

2004

PRČANJSKI
KRNEVAD

BEZIMENI OLITI

ANONIMUS

i LJETNI KOTORSKI

- OPTUŽNICA
- TAGTAMENAT

SUDJENJE BEZIMENOM PRČANJSKOM KRNEVALU
oliti ANONIMUSU

PREDSJEDNIK SUDA:

UVAŽENA GOSPODO, KURIOŽNICI KRNEVALSKIJEH FEŠTA I SVO OSTALO PUČANSTVO, DOBRO NAM DOŠLI NA TRADICIONALNU FEŠTU PRČANJSKOGA KRNEVALA. NOVA GODINA POČINJE PRVOGA OLITI 14-toga JANUARA, KAKO KOME, A NAŠA KRNEVALSKA POČINJE I SVRŠAVA U FEBRUAR MJESEC U PRAVO VRIJEME ^{PRILE} KORIZME, VRIJEME LUDOVA-NJA I PODBADANJA, TE CVIJETANJA MIMOZA I KAMELIJA.

FALA VI SVIJEMA ŠTO STE SE U OVOLIKOM BROJU OKUPILI I ISPUNILI OVU SVOJU GRADJANSKU DUŽNOST KOJA JE PO SVIM POKAZATELJIMA MNOGO VAŽNIJA I POSJEĆE-NIJA ČAK I OD ONE IZBORNE.

PREMA DOSTAVLJENOJ OPTUŽNICI, OTVARAM SUDSKU PROCEDURU PROTIV ODJE PRI-SUTNOGA BEZIMENOGA KRNEVALA PRČANJSKAGA, oлити ANONIMUSA ZBOG SVIJEH NJE-GOVIJEH DJELA I NEDJELA I ŠPORKIJEH RABOTA.

ČASNI SUD PREDSTAVLJAJU:

- PREDSJEDNIK SUDA, JA LIČNO DR., PROF., MR., MIGUELO DI FALCA GAMBA.
- TUŽBU IZNOSI, GROF PASING ŠOT DI LEKOVINA.
- BRANILAC OVOGA ANONIMUSA JE, G.DJA KARLOTA GRMUŠIČ

A SADA DAJEM RIJEČ TUŽIOCU:

TUŽIOG:

JA TUŽIOG, GROF PASING ŠOT DI LEKOVINA, U IME PUKA PRČANJSKOGA OD GLAVA-TOGA DO MARKOVOGA RTA, IMENOVAN SAM DA PODIGNEM OPTUŽNICU PROTIV ODJE PRISUTNE PERSONE KOJOJ ISTINA NIJESMO USPJELI OTKRIT IME JER KADA SMO GA PRIVELI NIJE PRI SEBI IMAO NIKAKVI DOKUMENAT, ŠTO ISTINJ ZA VOLJU, U NIKOJEM SLUČAJU NE UMANJUJE NJEGOVU KRIVICU I ODGOVORNOST. ZATO GA OPTUŽUJEM, ZA SVE ŠTO JE UČINIO I ZA SVE ŠTO NIJE UČINIO. JEDAN ČOEK MI JE REKO, JEDNOGA DANA NA JEDNOME MJESTU PRED NEKIJEM LJUDIMA, DA JE OVI BEZIMENI KRNEVAO UČINIO TO, TO I TO. ZATO MISLIM DA JE OVA OPTUŽBA SASVIM DOVOLJA DA ČASNI SUD DONESE ODLUKU O NAJTEŽOJ MOGUĆOJ KAZNI, SMRT SPALJIVANJEM NA MULO PRČANJSKO PO DUGOGODIŠNJOJ TRADICIJI SPALJIVANJA SVIJEH DOSADAŠNJIJEH PRČANJSKIJEH KRNEVALA.

PREDSJEDNIK SUDA:

A SADA DAJEM RIJEČ BRANIOCU.

BRANIOC:

JA, BRANILAC G-DJA KARLOTA GRMUŠIĆ, OSJEĆAM SE PONIŽENOM I UVRIJEDJENOM JER JE MOJA ADVOKATSKA STRUKA POTPUNO OBEZVRIJEDJENA OVAKVOM OPTUŽNICOM KOJA AMA BAŠ NIČIM NIJE ARGUMENTOVANA. NIJE ČAK UZETO U OBZIR DA SE MOJ KLIJENT OVOM TRIBUNSLU SAM DOBROVOLJNO PREDAO JER VI OVAKO NESPOSOBNI, NIKADA GA NEBISTE UFATILI. NIJE NI ČUDO ŠTO GA NAZIVATE ANONIMUSOM JER JE ISTI PAO U TOTALNU AMNEZIJU U ISTRAŽNOM POSTUPKU OD VAŠIJEH PALICA PA NIJE TOLIKO ŠTRAŠNO ŠTO SE SVOJEGA IMENA NE SJEĆA.

ZAŠTO GA VI UOPŠTE OPTUŽUJETE, ZA ONO ČULA, REKLA, KAZALA! TO PRILIČI SAMO OVAKVOM SUDU KOJEGA JA I MOJ KLIJENT NE PRIZNAJEMO, A JA NAPOSE, KAO ADVOKAT NE MOGU POKAZAT SVOJE SPOSOBNOSTI.

OVAKO UVRIJEDJENA I INFOTANA NE ŽELIM DALJE DA PRISUSTVUJEM OVOJ LAKRDIJI OD SUDJENJA. NEKA VI OVO SLUŽI NA ČAST, A VI ČINITE ŠTO STE NAUMILI, ALI BEZ MENE.

NEKA ŽIVI DUH PRČANJSKIH KRNEVALA I NEZAVISNO SUDSTVO !!!

PREDSJEDNIK SUDA:

ČULI SMO VEOMA SAŽETU KONCIZNU I UVJERLJIVU OPTUŽNICU KOJA TERETI OVOGA BEZIMENOGA UGURCUZA.

TAKODJE SMO ČULI I ODBRANU KOJE JE U SVOJOJ NEMOĆI DA BRANI SVOJEGA KLIJENTA, DEMONSTRATIVNO NAPUSTILA OVO SUDJENJE I TIME NAM ZNATNO OLAKŠALA ZADATI POSO.

MISLIM DA JE SVE JASNO, TAKO DA MOGU BEZ IMALO GRIŽE SAVJESTI, UZDIGNUTOGA ČELA, OBJAVITI SLEDEĆU,

P R E S U D U :

OVDJE PRISUTNI BEZIMENI KRNEVAO PRČANJSKI oliti ANONIMUS, JE KRIV PO SVIM STAVKAMA OPTUŽBE, PA GA OSUDJUJEM NA SMRT SPALJIVANJEM NA MULO PRČANJSKO UZ PRETHODNO SKIDANJE GLAVE NA SPOMEN DOLAZEĆIM GENERACIJAMA.

MUZIKA KOTORSKA NEKA MU ODSVIRA MARČU FUNEBRE.

REKVIJEM SKAT IN PAČE !!!